

密縣志

卷一	地	圖
卷二	沿革	表
卷三	疆域	志
卷四	山水	志
卷五	建置	志

重修密縣志叙

縣之有志猶國之有史也史事繁而例槩舉凡一代之大經大法宏綱鉅目無不備紀而典章彝物以及一切政教禮俗制度文爲其漏而未載者往往散見於志乘之書志之所關不綦重哉然必信必徵始克傳後固未可張皇該博摭拾浮華以誇耀爲能敷衍塞責也密縣東鄰新鄭西毗登封南連禹縣北接滎陽境內有密帖大隗諸山溱洧諸水形勢極稱險隘士習謹厚民安耕鑿其中名賢懿軌軼見逸聞不乏可法可傳之故實倘弗及時徵集亟爲編訂不惟無以供國史之採輯亦何以揚近世之休嘉况文治之升降徭賦之盈虛風

密縣志

序

一

河南印刷局印

俗之醇駁兵刑禮樂之變易教育實業之興衰尤不能不廣諮博采一一登錄以資考鏡縣志之修又烏容已乎本省長重綰鄉邦政符適值師旅饑饉紛至沓來籌賑籌撫安民察吏亟亟不遑固已寢食無暇然一念及改革之後世衰道微兩河文獻漸就淪湮不禁惕然以懼用特設局重修省志然省志之稿必以縣志爲基縣志不完省志奚賴密縣汪知事忠奉令纂修就舊志悉心攷訂視其略者補之誤者勘之凌亂者整齊之漫漶者釐定而詳明之博而不支簡而能盡條舉目張使閱者知所從政其有裨於治化非淺鮮也韓嬰曰不習爲吏視已成事司馬子長曰前事不忘惟後事師後之蒞茲土者

藉鑑得失措施裕如庶和氏之璧不專耀彩於郢庭夜明之珠不獨
呈光於隨掌始不負汪知事修志之衷懷及本省長緒言之期望也
是爲叙

中華民國十二年三月

河南省長張鳳臺撰

密縣志

序

二

河南印刷局印

重修密縣志序

原夫邑之有志所以記事綜變稽古鑒後考因革而垂勸戒匪以侈繁文炫浮藻也故紀典章載法制叙政教考治亂凡古今興廢之端人物榮悴之由田塍之腴瘠閭井之盛衰以及利源弊竇民隱時艱靡不悉數登記俾知借鏡夫而後可以端風化正人心稽時宜襄治理自古國家之政首貴宜民近今時勢所趨尤重社會地方民治民事之編輯斷不容緩故志者教化之原爲政之本所關亦鉅矣哉第今之司民社者徒殫精竭智於簿書期會之間而視彙輯先型采訪謠俗爲不急之務不肯一勞其心而涉其藩雖憲令迭申一再督催

密縣志

序

河南中書局印

而熟視無睹廢焉莫舉亦可慨已吾豫前省憲張公蒞任之初飭修省志即通令各縣重修縣志顧實力遵辦者寥寥無幾惟密縣汪希李知事奉命維謹深知徵文考獻爲行政切要之圖首先督同紳耆黽勉從事並於鳴琴之暇勤加考訂訛者正之遺者補之鄙俚不經者刪除之增新飾舊炳炳麟麟聿成鉅制一展閱而地勢之險易田土之肥瘠賦役之輕重學校之張弛戶口之盈耗習俗之淳漓瞭如指掌而尤注重於采訪必詳必慎不驚虛聲務求實績凡鄉僻匹夫匹婦之仁孝節烈及畸人志士之忠義至行國史所未及盡載者無不發其潛德揚其幽光著之篇章詳之記錄使免湮沒無聞易曰微

顯闡幽意亦關心民治者改良社會磨世勵鈍之急務也藉非知教化之原識爲政之本安能留意及此顧吾有感焉密於古爲鄗國地居溱洧之間羔裘逍遙之詠秉簡贈芍之譏上下奢淫怠惰成習極其弊則辛苦墊隘無所底止轉羨長楚之天沃風詩所流傳幾疑歷久不變然吾嘗巡行密境見其習尙淳樸農服先疇士安矩矱儉嗇之風不亞樞榆蟋蟀之詩則知風俗與化移易今固不必不異於古所云也然則地以人興政以時舉中牟魯恭之化密子單父之琴潘岳河陽之花至今猶稱道弗衰亦在賢有司之自爲耳後之繼此任者據所纂述循其治行考世道之升降察民生之休戚與其利除其

密縣志

序

二

河南印刷局印

弊以實心行實政不下堂階而能周知四境如聚米如畫沙因勢利導措置悉當則即以此志爲之嚆矢可也况夫信今傳後可以酌古準今可以裨民範俗所關尤非淺鮮余故樂而爲之序民國癸亥季春三月王幼僑序於河南教育廳署

密縣志序

縣胡爲乎有志蓋所以紀疆域之沿革山川之險易典章文物之盛
人民風土之宜導揚美善昭示來茲備輶軒之採寓勸懲之意者也
志之所關顧不重哉雖然縣志者國史之資料也苟體例乖舛文詞
龐雜識窮於論世志泊於徇人爲志之病卽爲史之病又况時局不
靖風鶴頻驚財盡民窮困於羅掘有守土之責者日惟催科防患之
不暇縣志之脩不脩曠復措意於斯汪君希李治密三年間閭安其
耕鑿攘竊息於萑苻勸農興教理化漸臻乃聚邑中哲彥而謀重修
縣志凡前志之蕪者刪之缺者補之已有而當者仍之未有而善者

密縣志

序

河南印刷局印

增之疆域沿革載之必明山川險易考之必精典章文物辨之必審
人民風土別之必詳朗若列眉燦然大備主體務嚴脩詞務潔志旣
成以序屬披閱旣竟竊有感焉夫密小邑也於周爲檜至漢始名爲
密文如侯霸黃縉武如張增祥張汝梅忠烈如郭光斗馬體健皆密
之俊傑事業彪炳久光史乘求諸今世殆罕其儔斯志成殆亦有所
觀感而興起者乎予念汪君值倣擾之時而政有餘閒而復汲汲於
縣志之脩其用意之深且遠也因樂爲之序俾後之宰是邑者觀覽
焉

時民國十二年三月開封道尹孟廣澎序

序

在昔封建之制大國不過百里其幅員廣狹政治美惡風俗醇澆莫不編爲歌謠載之經典三百篇之詩國風冠首季札觀樂能知興替存亡然則國風者乃表示一國之真相而即後世邑志之胚胎也今之一邑適當古之一國今之邑志堪補國風之所未備邑志顧不重歟密於古爲檜繼隸於鄭據羔裘溱洧諸詩政俗頹靡已達極點秦漢而降賢良輩出循吏如卓傅耆宿如侯霸皆足爲後代矜式迄於今士勤誦讀民安耕鑿樸實敦龐與詩之所載迥不相侔雖無百年不變之俗要亦賢士大夫教養化導之力也余忝署密篆正值時局

密 縣 志

序

河南印書局印

不靖盜賊蠱起文物蕩然撫念教養乏術輒自生愧而文獻無徵尤爲足慮故於簿書鞅掌之暇亟出舊志讀之自清嘉慶丁丑迄今百有餘年其間良吏鄉賢義士烈婦以及可法可傳者想已所在多有若不從速紀載勢將湮沒弗彰何以繼往昔而示來茲鉅典攸關責無旁貸爰邀邑紳叶六呂孝廉及怡亭闔明經從事纂修並延李紫珊諸紳爲之編輯未及脫稿又值歲荒日與諸紳辦理賑務不遑暇食修志一事爲之停頓嗣以歲轉時和並奉

憲檄續修河南通志飭將各縣舊志一律續修乃復招集在事諸紳繼續進行蒐討故實刪僞存真採之輿論訪諸父老務期質而不浮

信而不誣統計爲圖十三表一志十六錄二參互考訂閱兩寒暑始
得歲事凡地勢之險夷戶口之盈絀賦役之多寡人才之盛衰以及
俗尙淳駁風氣通塞不啻聚米畫沙瞭如指掌後之官斯土者得以
按冊而稽洞悉民生利病之原而思所以釐剔焉此則余之志也夫
中華民國十有二年三月
調署密縣知事汪忠序

密縣志

序

二

河南印刷局印

序

密志失脩百餘年矣其間忠孝節義嘉言懿行得之父老傳聞者將就湮沒兼以國體改革百度維新舊有新設今昔不同紀載缺畧文獻無徵不無可虞前任汪公希李於民國八年蒞密簿書之暇糾合邑中耆宿蒐輯軼事即舊志而賡續之竭力經營時閱兩年始得脫稿乃未付剞劂解組以去余於壬戌冬繼任士紳即以存稿送閱併以付梓爲請第念邑乘一書關係綦爲重要山川之險夷風俗之通塞與夫民情好尚物產盈絀以及學校實業無不與政治有關密雖僻處山陬而土重品節農尚勤儉崇實黜華猶有太古遺風苟因勢

密縣志

序

河南印刷局印

利導則武城雖小不難奏絃歌之雅化九仞之山虧此一簣未免可惜余雖不敏竊願竟其功而蒞厥事一再集紳磋商就以脩志餘欸從事鉛印不足之數另行籌補行見此書告成後之官斯土者得以按册而稽確定南鍼維持既往擴充將來此又余所厚望也夫

中華民國十三年三月

代理密縣知事河陽王福傑謹識

志例

志者一邑之歷史國史之資料也國爲郡邑集合而成無郡邑志則史館無所採擇惟史官立傳係屬特權郡邑志而僭竊焉則體例易致混淆今於忠孝節義嘉言懿行凡有卓卓可傳者登載事實概不名傳既證實錄亦免侵越之嫌

舊志以圖表志錄爲四綱體尙簡潔惟職官名稱叠爲更易科舉制度時有廢興逐一列表不勝其煩今悉歸納志中以省手續而於沿革一表仍存其舊俾便檢閱

古人體國經野疆域形勢關係重要志之有圖非僅描摹景物已也舊志城池道路各圖計里畫方朗若列眉今仍仿照舊式略爲變通至學務自治選舉劃分區域暨郵緹孔廟關岳廟諸圖並附於後庶一邑大勢展卷即可了然

昔人著天文地理等書多按星宿分野密乃彈丸小邑不滿一度之數若以柳東室西

密縣志

河南印刷局印

強爲劃分似近附會今將諸書所載仍依舊志收入雜錄使後人有所參考

慎固封疆不獨立國爲然治一邑亦當如是幅員廣狹道路險夷以及歷代割屬離合皆與政治有關舊志援古證今考核極詳今多因之

山脈河流均與文化有關本境密帖大隗諸山溱洧諸水散見經史皆宜詳加考核今按諸書所載證以實地調查山則辨其支幹脈絡水則溯其源委分合舊志所畧悉爲補入誤則詳爲更正務使全境形勢瞭如指掌

城池寨堡皆保衛之具固結團體聯絡聲氣於是乎在無論舊有新增悉爲採入至古蹟塚墓雖與民生無關然歷代保存父老相傳其遺址有不可沒者並附及之

方言土語隨地而異官民相接全賴翻譯其中流弊滋多訴訟案件關係尤大胥吏從而輕重其詞必有含冤莫伸者今依舊志著之於篇並增加其所未備俾官斯土者有

所印證

冠婚喪祭儀注各有不同按之古禮時有齟齬驟行改革殊覺困難今依舊志並按社會習慣據實登記以備輶軒之採

職官選舉國家名器攸關記載不厭其詳至官有善政可錄人有懿行足傳仍依舊志補列循政人物兩志俾官民俱有所矜式

孔廟關岳廟春秋致祭悉遵民國祀典以示崇敬其他壇壝祠廟各項凡前代所有典禮現雖廢止本志竊仿告朔餼羊之意並載廢典以存其舊

立國精神首重教育科舉停止士子進身之階盡在學校其已經設立確有成績可考者必詳爲登記一邑文化即可得其大凡

各校畢業與科第同舊志選舉一項僅及貢生而止現在畢業人員亦按清季獎勵章

密 縣 志

二

河南印刷局印

程僅登中學以上以示限制

納稅義務人民所同國家地方界線不容混淆今按收支實數一一劃分俾全縣財政一目了然至前代皇帝詔旨民國總統命令蠲緩賑恤恩澤優渥均分別敬錄篇端以昭仁政

文明各國主張地方分權民氣發達乃有鞏固政府比來恢復自治聲浪日高劃區分職正在積極籌備本志另列專門以重要政

衣食居住民命所關密境地瘠民貧生計異常困難天然物產與夫人工製造凡爲生活所必要者俱詳細臚列藉資研究庶實業可望進步

文事武備相輔而行清季兵制腐敗不堪現在警察民團以次舉辦維持治安關係重大舊志驛入職官界限似覺混亂茲特另爲提出以重防禦

舊志探蓋棺論定之義於生人事蹟概不紀載惟列女已奉旌表或年例相符有待旌表者登載概行從寬今仍之

舊志列女志某氏之上皆弁以男子姓名蓋取陰統於陽之義惟志係列女自當以女爲主今悉改爲某氏爲某人之妻或某人之母位置較爲適宜

耄耋期頤自昔目爲人瑞舊志載入不便刪去今男壽附諸選舉女壽附諸列女重高年也但非九十以上者不與焉

金石碑銘鄉先生撰述甚多概行探入累牘連篇未免過濫今取有關世道足資考據者錄之餘概從畧

事有關於邑乘而無門類可列或載之經典或聞諸父老一併編入雜錄仍仿舊志分爲祥異及舊聞

密 縣 志

三

河南印刷局印

密志始於明成化甲辰至清嘉慶丁丑重修者凡六次今將前志諸序並此次編校探訪銜名分別列入敍錄卷首以示不沒其勞之意

職名

總裁

河南省長 張鳳臺

鑒定

河南省教育廳廳長 王幼僑

開封道道尹 孟廣澎

總經理

簡任職存記調署密縣知事 汪忠

纂修

密縣志

安徽太湖舒城縣知縣邑舉人 呂林鐘

河南師範畢業高等小學校校長邑廩生 閻鳳舞

編輯

濬縣教諭邑舉人 李羣玉

新鄉縣知事邑舉人 劉青選

河南府訓導邑舉人 施春穠

勸學總董邑貢生 王鳳文

邑貢生 李克誠

籤分湖北巡檢邑廩生 韓秉鈞

參考

勸學所長兼縣視學水利會長邑庠生 李明善

安 徽 拔 貢 呂 濤

教 育 會 會 長 邑 貢 生 馬國瑄

河南諮議局議員現公款局局長邑廩生 王甲榮

河南師範畢業勸學所長兼奉祀官邑庠生 侯欽明

校對

河南中學校肄業公款局副局長邑人 李彤閣

河南法政畢業歷充甯陵商邱睢縣承審員邑廩生 王昂巖

密 縣 志

探訪

城 自 治 會 董 事 邑 貢 生 王荷誠

邑 廩 生 錢啟綸

河 南 法 政 畢 業 邑 拔 貢 常雲鳳

邑 增 生 劉德峻

邑 庠 生 吳雲章

邑 廩 生 鄭逢辛

邑 人 鄭同丙

邑 廩 生 馬汝驥

河南中學校畢業邑人 **王德星**

邑廩生 **裴鼎**

獲嘉河內教諭信陽州訓導邑貢生 **韓鼎臣**

縣議會副議長邑庠生 **邛俊三**

邑庠生 **王履恒**

會計

縣議會議長邑庠生 **尙彥彬**

監印兼編輯

新鄉祁門榮陽科員邑人 **王政珺**

密縣志

三

書記

勸學員邑庠生 **常其俊**

高等小學校畢業勸學員邑人 **蔡宗齊**

巡警教練所畢業警察所書記邑人 **王杰**

繪圖

師範學校畢業邑人 **李同祥**

卷目

卷一

地圖

縣總圖 山水圖 道理圖 古城圖 城郭圖 郵綾圖 孔廟圖 學務分區圖
自治分區圖 縣公署圖 高等小學校圖

卷二

沿革表

卷三

疆域志

沿革 形勢 道里 坊保

卷四

密縣志

目錄

河南印刷局印

山水志

卷五

建置志

城池 街巷 縣治 公款局 警察所 勸學所
管獄 公所 高等小學 模範國民學校
常平倉 社倉 馬廐 監獄 貧民工廠
舊公廨 壇廟 寺觀 坊表 橋梁 市集
堡寨 古蹟 墳墓

卷六

風土志

節序 婚嫁 喪祭 習尚 里諺 方言

卷七

職官志

爵封附



卷八

選舉志

耆壽附

卷九

典禮志

現行 已廢

卷十

學校志

書院 試院 學院 學額 縣學 田立 高義 塾 勸學所
 教育會 縣視學 辦公處 縣學 立 高 義 塾 小 學 校
 師範 傳習所 教育 講習 科 單級師範講習所
 巡環 教員 國民 學習 校 女子國民學校
 簡易識字學塾 學校園
 農業實習場 書籍

卷十一

密縣志

目錄

二

河南印刷局印

財賦志

詔令 戶口 國家歲入 地方歲入
 地方歲出 自治歲入 國家歲出 地方歲入

卷十二

自治志

自治籌辦事務所 自治會 研究所 縣議事會
 縣參事會 下級 自治會 商會 苗圃
 農事試驗場 清鄉守望社
 保衛團 水利分會 公款局

卷十三

實業志

氣候 農時 物產 稻渠 煤礦 繭紬 蘇紙
 水力 磨碾 陶器 工廠

卷十四

兵防志

協防完 塘汛 演武場 礮台 警察 偵緝隊
 警備隊 巡緝隊 保衛總團

卷十五